

Broj: 16-5421-11/22

Datum: 15.07.2022

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, na Preporuku Komisije za nabavku broj: 16.5421.9/22 od 13.07.2022. godine, u postupku javne nabavke – **Medicinska sredstva i lijekovi za potrebe anestezije/2**, direktor Javne ustanove Opća bolnica „Prim.dr.Abdulah Nakaš“, je donio

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj 16-5421-9/22 od 13-07.2022. godine i Okvirni sporazum za javnu nabavku – **Medicinska sredstva i lijekovi za potrebe anestezije/2**, dodjeljuje se **ponuđačima**, po lotovima kako slijedi:

1. **LOT 2 – Deksametomidin amp. dodjeljuje se ponuđaču INEL-MED d.o.o. Mostar**, ponuda dostavljena dana **06.07.2022 godine**, za ponuđenu cijenu **10.500,00 KM bez uračunatog PDV-a**, odnosno **12.285,00 KM sa uračunatim PDV-om kao jedinom kvalifikovanom i najpovoljnijem ponuđaču**
2. **LOT 3 – Aspiratori dodjeljuje se ponuđaču PROMA d.o.o. Sarajevo**, ponuda dostavljena dana **05.07.2022. godine**, za ponuđenu cijenu **48.000,00 KM bez uračunatog PDV-a**, odnosno **56.160,00 KM sa uračunatim PDV-om kao jedinom i najpovoljnijem ponuđaču**

Član 2.

Postupak iz člana 1. ove odluke proveden je metodom „otvoreni postupak“ za dostavu ponuda, te je nakon otvaranja i evaluacije ponuda trebala biti provedena „E-aukcija“, a za izbor najpovoljnijeg ponuđača korišten kriterij „najniža cijena“

Član 3.

LOT 2

Nakon prijema i evaluacije ponuda konstatovano je da je ponudu za predmetnu nabavku za LOT 2 dostavio 1 (jedan) kvalifikovan ponuđač i to: INEL-MED d.o.o. Mostar, sa ukupnom cijenom ponude u iznosu od 10.500,00 KM bez uračunatog PDV-a.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

LOT 3

Nakon prijema i evaluacije ponuda konstatovano je da je ponudu za predmetnu nabavku za LOT 3 dostavio 1 (jedan) kvalifikovan ponuđač i to: PROMA d.o.o. Sarajevo, sa ukupnom cijenom ponude u iznosu od 48.000,00 KM bez uračunatog PDV-a.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Prilikom evaluacije ponuda konstatuje se da je za predmetnu nabavku iz člana 1 dostavljena 1 (jedna) ne kvalifikovanih ponuda ponuđača i to:

1. LICENTIS d.o.o. Sarajevo za LOT 1 i LOT 2

Član 4.

Izabrani ponuđači se oslobađaju obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama jer je iste dostavio uz ponudu.

Član 5.

Prijedlog Okvirnog Sporazuma o nabavci će se dostaviti ponuđačima nakon proteka roka od 15 dana računajući od dana kada su svi ponuđači obavješteni o izboru najpovoljnijeg ponuđača.

Član 6.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 71. stav. 2. Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: **16-5421-1/22 od 27.05.2022. godine.**

Javna nabavka je sprovedena putem **otvorenog postupka za dostavu ponuda.**

Procijenjena vrijednost javne nabavke bez PDV-a je **65.500,00 KM, JN-37/22.**

Obavještenje o nabavci broj: **1125-1-1-174-3-110/22**, objavljeno na Portalu javnih nabavki **22.06..2022.godine**, Sažetak Obavještenja o nabavci objavljen je u Sl. Glasniku BiH broj: **41/22 od 24.06.2022. godine.**

Komisija za nabavku, imenovana je Rješenjem broj: **16-5421-2/22 od 27.05.2022. godine.**

Komisija za javnu nabavku dostavila je direktoru Javne ustanove Opća bolnica „Prim.dr.Abdulah Nakaš“ Zapisnik o pregledu i ocjeni ponuda broj: **16.5421-8/22 od 13.07.2022. godine**, Preporuku o izboru najpovoljnijeg ponuđača za lotove 2 i 3 broj: **16-5421-9/22 od 13.07.2022. godine** i Izvještaj o radu broj: **16-5421-10/22 od 13.07.2022. godine**, u postupku javne nabavke **Medicinska sredstva i lijekovi za potrebe anestezije/2**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

Da je ponuda ponuđača **INEL-MED d.o.o. Mostar** kvalifikovana i prihvatljiva za lot 2, da su dostavljeni svi traženi dokazi propisani tenderskom dokumentacijom, na propisan način.

Da je ponuda ponuđača **PROMA d.o.o. Sarajevo** kvalifikovana i prihvatljiva za 3 da su dostavljeni svi traženi dokazi propisani tenderskom dokumentacijom, na propisan način.

Da ponuda ponuđača **LICENTIS d.o.o. Sarajevo** nije kvalifikovana i prihvatljiva za lotove 1 i 2 iz razloga što ponuđač nije dostavio Izjava/potvrda od proizvođača lijekova i medicinskog sredstva koje se nudi ili zastupništva proizvođača u BiH koje ima ovlaštenje da daje autorizaciju za učešće u postupcima nabavke, da je ponuđač ovlašten distributer, koja je tražena u odjelku c) uslovi za kvalifikaciju ponuđača tačka 2. Sposobnost obavljanja profesionalne djelatnosti na strani 10 tenderske dokumentacije.

Imajući u vidu prednje navedeno, odbacuje se ponuda ponuđača LICENTIS d.o.o. Sarajevo u skladu sa članom 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene kako slijedi:

Redni broj	Naziv lota	Naziv/ime ponuđača	Ukupna cijena ponude bez PDV-a
1.	LOT 2 – Deksmetomidin kaps.	INEL-MED d.o.o. Mostar	10.500,00 KM
2.	LOT 3 – Aspiratori	PROMA d.o.o. Sarajevo	48.000,00 KM

Izabrani ponuđači su izabrali u skladu sa kriterijem „najniža cijena“.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.

Žalba se podnosi u najmanje 3 (tri) primjerka.

Pripremila:

Semra Šenturk, dipl.iur – službenik za javne nabavke

Kontrolisala:

Amira Petrović, BA općeg prava - šef Odsjeka za javne nabavke



DIREKTOR

Prot. dr. Ismet Gavrankapetanović

Dostaviti:

- Ponuđaču: **INEL-MED d.o.o. Mostar**
- Ponuđaču: **PROMA d.o.o. Sarajevo**
- Ponuđaču: **LICENTIS d.o.o. Sarajevo**
- Odjeljenje za računovodstvo, plan i analizu
- Bolnička apoteka
- Odsjek za javne nabavke
- Komisija za javne nabavke